



ŠIPA U GP BiH

Zena u visokoj
trudnoći položila
testove fizičke
izdržljivosti?



SARAJEVO - Pripadnici Državne agencije za istrage i zaštitu (ŠIPA) i juče su izuzimali dokumentaciju u sjedištu Granične policije BiH u okviru predmeta "Konak", a u vezi s nezakonitostima pri zapošljavanju 150 kadeta. Iako je prošle sedmice savjetnik direktora GP BiH Svelvad Hofman podnio zahtjev za poništenje javnog konkursa - to se nije dogodilo.

Zakonom propisani rok za poništenje konkursa ističe danas, a Granična policija moraće odgovoriti na Hofmanov zahtjev negativno ili pozitivno.

Od izvora bliskih istrazi Klix saznaje još jedan nevjerovatan detalj konkursa - da je među 150 primljenih kadeta u GP BiH bila i trudnica u sedmom ili osmom mjesecu trudnoće.

Gotovo je nevjerovatno da se žena u tako visokom stadijumu trudnoće smjela izlagati teškim fizičkim naporima koji su podrazumijevali Kuperov test fizičke izdržljivosti, kao što su plivanje stiliom leptir, skokovi udalj, trčanje 3.000 metara, trbušnjaci, sklekovi...

Ta kandidatkinja se prije nekoliko dana i porodila, a testovi fizičke snage su održani prije otprilike mjesec i po. (Klix)